

Անցեալ Ապրիլ ամսի 25 ին անակնկալ մահուամբ առ տէր փոխեցաւ Ս. Պետրոսեան Սիմէօն Դաւթեան Աբաթելիք—Լազարեանցն, հոգարար-ձու հայ եկեղեցեաց մայրաքաղաքաց և Լազարեան ճեմարանի արևելեան լեզուաց:

Սուրբ Աթոռումն ի հանգիստ հոգւոյ հանգուցելոյն ս. պատարագ մատուցաւ և հոգեհանգիստ կատարուեցաւ, ներկայութեամբ բոլոր միաբանից:

ՊԱՅՏՈՆԱԿԱՆԻՔ

ՔԱՂՈՒԱԾՔ.

4 ապրիլի.-Ս. Սինոդը ի տեղի հանգուցեալ Աղամ վարդապետ Տէր Նիկողայոսեանի՝ Նոր Նախիջևանի Սուրբ Խաչ վանից վանահայր նշանակեց Ս. Աթոռոյս միաբան բարեշնորհ Եփրեմ արեւելայ Սուրբիասեանցին, պատուիրելով նորան հոգ տանել կալուածների արդիւնաւորութեանը, վանից շինութեանը և ժառանգաւորաց դպրոցի կառավարութեանը:

14 ապրելի.-Ս. Սինոդը ի նկատի առնելով Կողբի գործակալ Առաքել քահանայ Կարապետեանի կատարած չհաս պսակը արեւական ազգակցութեան վեցերորդ աստիճանում, հրամայեց՝ ա) այդ պսակն համարել անվաւեր, բ) հրաժարեցուցանել յիշեալ քահանային գործակալութեան պաշտօնից՝ նորա տեղը կարգելով նոյն պաշտօնին արժ. Ղուկաս քահանայ երիցեանցին, գ) Առաքել քահանայ Կարապետեանցին դադարեցուցանել քահանայագործութիւնից անսահման ժամանակով:

15 ապրիլի.-Ս. Սինոդը լսեց Նորին Վեհափառութեան Ամենայն Հայոց Կաթողիկոսի կոնդակը ընդ համարաւ 154, ապրիլ 11, որի մէջ գրուած է. «Սինոդի Ս. Էջմիածնի ծանուցանեմք. զի անհասանելի կամօքն Աստուծոյ և շնորհիւ ողորմութեան Նորին ունիմք սկիզբն առնել վերանորոգութեան խախտեալ հիմանց և տանեաց Քրիստոսահիմն Տաճարի ընդհանրական

Մայր Աթոռոյս ընդ հսկողութեամբ գերազ. ճարտարապետ Միքայէլի Սալամբէ-կեանց և վերատեսչութեամբ Գերապատիւ Եպիսկոպոսացն Ներսիսի և Սարգսի. ուստի՝ առաջագործմ' դմին այժմէն իսկ պայմանաւորիլ ընդ յիշեալ գերազ. ճարտարապետի՝ վասն անդորրութեամբ հոգւոյ և մտաց շարունակելոյ զյիշեալ վերանորոգութիւն և նոր ի նորոյ կառուցանելոյ զՏպագրատուն Մայր Աթոռոյս, զորմէ ծանուցեալ եմք դմին կոնդակաւ Մերով ի 28 մարտի ընդ համարաւ 132: Ս. Սինոդը լսեց նաև Պ. Միք. Սալամբէ-կեանցի Տաճարի վերանորոգութեան համար կազմած նախագիծը, որ պարունակումէ 16 յօդուած և նորա աշխատութեան վարձատրութեան չափը որոշող պայմանները: Եւ այս հիմանց վերայ կռեց նորա հետ դաշն ութ յօդուածով:

27 ապրելի.-Ս. Սինոդը յետ լսելոյ Վրաստանի և Իմէրէթի Հայոց Կոնսիստորիայի յայտարարութիւնը ի 11-էն մարտի ընդ համարաւ 951 հրամայեց. 1) «Գորու Կասպ գիւղի եկեղեցում՝ կատարուած, (յՅ դեկ. յօդ. 8) ապօրինի պսակը Գրիգորի Տէր Յակովբեանց ընդ այրւոյն Օքոյեանց (նոյն և Աքոյեանց) համարել անվաւեր, 2) պսակադիր Բաղդասար քահանային առաքել յապաշխարութիւն Սեանի վանքը հինգամսայ ժամանակով, արգելելով քահանայադործութիւնից և պահանջելով ապօրինի պսակադրութիւնից ստացած 100 ռուբլին յօգուտ որբոց և այրեաց հոգևորականաց յիճակին, 3) մեղսակից Գրիգոր աւագ քհ. Փանեանցին, խնայելով նորա ծերութեանը, դադարեցուցանել քահանայադործութիւնից միայն վեց ամիս, 4) Ստեփաննոս աւագ քհ. Տէր Ստեփանեանցին ենթարկել եկեղեցական ապաշխարանաց առ դրան եկեղեցւոյն 3 ամիս ժամանակաւ, նախապէս հրաժարեցուցանելով նորան Գորու Հոգևոր կառավարութեան անդամութեան պաշտօնից, 5) քննչին տրուած ծախսը՝ 30 ռ. պահանջել հաւասարապէս վերոյիշեալ երեք քահանաներից: